

Ганъта теегүр усн орджана

Право-Егорлыкск каналин зүн судлиа тосхлт дуусгдв

Кубань голин усиг Право-Егорлыкск каналин зүн судлар болн дюкеряр оруллгънд нерядсн митинг Кугультинск дюкерин гол тосхлт деер июнин 21-д митинг болв. Тер митингд Ипатовск, Дмитриевск болн нань чиги райодин гидротосхачнр, колхозникуд, совхозин кӱдлӱчнр тер митингд орлцхав.

Тосхлтин комитетин ахлач үр Горб митингиг секв. „Ставропольстроин“ управленӱ начальник үр Канатовд үг ӱггдв. Право-Егорлыкск каналин зүн судлнь болн дюкер тосхлгън гурвн джил урд эклӱ, ода нургъдад дуусгдв гидж үр Канатов келв. Эн каналин зүн судл утарн, Невинномыссск каналар болхла, тавн холван ут. Дмитриевск, Ипатовск, Молотовск, Апанасенковск райодин ганъгта теегин 1 сай 300 минъгън гектар газриг эн судл усар тетгӱд, 19 минъгън гектар газрин ургъц услгдхмн. Дивенск болн Ростовск ховагч судлмудар гүүгъад усн Хальмг танъгъчин болн Ростовск обласгин зӱрм райодт күргдж ӱггдхмн.

Кубанӱ усиг Ставрополин ганъта теегт күргдж ӱглгънд чидлӱн ӱрвллго тосхлтд кӱдлдж нүүрт йовсн улсин тускар цааранднь үр Канатов келв.

Кугультинск дюкер тосхлгънд зӱрмг-баатр кевӱр кӱдлдж йовсн улсин тускар строительн-монтажн негдгч конторин прораб үр Басов келв.

КПСС-н Ставропольск крайкомин сеглӱтр үр Лебедевд үг ӱггдв. Краевой партийн организацин нерн деерӱс эн, айта гидг дилвр бӱрсн „Ставро-

польстроин“ коллективиг мендлдж, йӱрӱв. Гидротосхачнр цааранднь чиги Кубань-Калаусск усар тетглгънӱ болн ургъц усллгъна канал келгънд кучлдж, гүдждрдж кӱдлхд ицджӱнӱвдн гидж үр Лебедев келв.

Ипатовск района Большая Джалга гидг селӱнд бӱӱдг үр Федяев айта гидг үгмүд келв:

Эн газрин крестьянмуд эврӱ хагсу газран ӱмлгч усар услхар кесг зун джилмүдин эргцл күцл кедж йовснн. Канал тосххин тускар тӱрӱ тӱрӱчнр хаана правительствӱс чигкесг сурсн бӱӱснн. Болв, хаболн терүнӱ министрмүд крестьянмудт оныган ӱгцхӱдго билӱ. Зугл мана тӱрскн Советск правительств, Коммунистическ партъ кесг зун джилӱ мана күцлиг күцӱдж ӱгв. Бидн оларн теднд ик ханлт ӱргджӱнӱвдн.

Митинг деер бас 4-ч номертӱ тосхлтин-монтажн конторин начальник үр Данильянц, 2-ч номертӱ тосхлтин-монтажн конторин парторганизацин сеглӱтр үр Федоренко, Ипатовск райисполкомин ахлач үр Ершов үг келцхӱв. „Краснодарводстроин“ директор үр Разоренов Ставропольск гидротосхачнриг йӱрӱв.

Митинг тӱгсв. Терүнд орлцхасн улс дюкерин гол тосхлт деер гарцхав. ӱмтнӱ шууглдата альх ташлдана дун дотр, КПСС-н крайкомин сеглӱтр үр Лебедев лентиг керчв. Кубанӱ усн Ставрополин ганъта теегүр гүүх хаалгънь сегдв.

Кугультинск дюкеряр болн Право-Егорлыкск каналин зүн судлар ус оруллгън — гидротосхачнрин болн селӱнӱ эдлахун куч-кӱлсчнрин ик гидг байрта-бахта ӱдр болв.